

# **REFERAT MIA - Meeqqanut Ilaqutariinnullu Ataatsimiititaq d. 03-08-2023**

**Mødedato** Torsdag d. 03. august 2023 kl. 18:00

**Mødested** Kommunalbestyrelsen ataatsimiittarfiani

## Indholdsfortegnelse

Saqqaa.....	3
Oqaluuserisassat akuerineqarnerat.....	4
Nalunaarutit.....	5
Angajoqqaarsiaqarnermut tunngasunik suliassaqarfimmi killiffik pillugu ilisimatitsineq.....	6
Ataatsimiititap Tasiilamut angalanera, sapaatip akunnerani 37-mi.....	9
Ulloq unnuarlu paaqqinnittarfinnik Namminersorlutik Oqartussanit pigineqartunit Kommuni tigus	11
Kommuneqarfik Sermersuup aamma Københavns Kommuniata akornanni illoqarfittut ikinngutigiit	13
Taasariaqartut allat.....	16
Imaqarniliap akuerineqarnera.....	17

## **Punkt .: Saqqaa**

### **Ilaasortat:**

Naya-Sophia Lyberth (IA) Siullittaasoq  
Harald Bianco (IA)  
Charlotte Ludvigsen (IA)  
Laura Táunâjik Uitsatikitseq (S)

### **Beslutning**

Ataatsimeeqataasut: Naya Sophia Lyberth (IA)

Oqarasuaatsikkut: Harald Bianco (IA)

Attaveqaatitigut peqataasut: Charlotte Ludvigsen (IA) aammalu Laura Taunâjik Uitsatikitseq (S)

## **Punkt .: Oqaluuserisassat akuerineqarnerat**

### **Beslutning**

Oqaluuserisassat akuersissutigineqarput.

# **Punkt .: Nalunaarutit**

## **Siulittaasumiit nalunaarutit**

## **Ingerlatsivimmiit nalunaarutit**

### **Beslutning**

## **Siulittaasumiit nalunaarutit**

- Inunnut innarluutilinnut tunngasuni Nakkutilliinermiit nalunaarusiaq juuni qaammat saqqummiunneqarpoq. Kommunalbestyrelsimiittut tamarmik tiguaat.
- Avannaata Kommunian paasisassarsiorluni Nuummut tikeraassaaq sap. ak. 38-mi, tassani Naya aamma Inge Isumaginninnermiit peqataassapput

## **Ingerlatsivimmiit nalunaarutit**

- Meeqqanut suliassaqarfimmut App-ip atuutilersinniarneqarnera suli sulissutigineqarpoq
- Aasaanerata malitsigisaanik toqqissimatitsinissaq pillugu angalaartartut immikkut ittumik juulimi saniatigut biiliniq atuipput
- Isumannaatsumik ingerlatitsinissaq pingaartinneqarpoq

# **Punkt 1: Angajoqqaarsiaqarnermut tunngasunik suliassaqarfimmi killiffik pillugu ilisimatitsineq**

## **Beslutning**

Ilisimatitsissut tusaatissatut tiguneqarpoq.

## Angajoqqaarsiaqarnermut tunngasunik suliassaqarfimmi killiffik pillugu ilisimatitsineq

Ilisimatitsissut

SagsID.: EMN-2023-02267

Meeqqanut Ilaqutariinnullu Ingerlatsivik – pisortaagallartoq Severin Berg / SEBE

### Inassuteqaat

Meeqqanut Ilaqutariinnullu Ingerlatsiviup Meeqqanut Ilaqutariinnullu Ataatsimiititamat inassuteqaatigaa:

- ilisimatitsissut tusaatissatut tiguneqassasoq

### Suliassamik saqqummiussineq

Ataatsimiititap kissaatigaa angajoqqaarsiaqarnermut tunngasunik suliassaqarfimmi killiffik pillugu naatsumik nassuiaassisoqassasoq. Ataani allaqqapput.

Angajoqqaarsiaqarnermut tunngasunik suliassaqarfik Nuummi inissisimavoq immikkoortortami aqutsisumik aamma Suleqatigiinnut aqutsisumit aqunneqarluni. Tassunga atasumik arfinilinnik angajoqqaarsianut siunnersorteqarpoq (Nuummi pingasut aamma Tasiilami pingasut).

Angajoqqaarsianut siunnersortit arfinillit akornanni marluk siunnersortaapput angalasartut, aappaa Paamiuni aamma Qeqertarsuatsiaani angajoqqaarsianut tamanut siunnersortaavoq, aappaalu angajoqqaarsianut siunnersorti angalasartoq Tasiilami eqqaanilu angajoqqaarsianut siunnersortaavoq.

Angajoqqaarsiat ima immikkoortiterneqartarput: Nalinginnaasumik angajoqqaarsiat, inuussutissarsiutigalugu angajoqqaarsiat, ilaqutariit akornanni aaqqissuussamik angajoqqaarsiat.

#### Nalinginnaasumik angajoqqaarsiat:

Nuummi pigisaanilu ullumikkut katillugit 91-it nalinginnaasumik angajoqqaarsiaapput, Tasiilami aamma nunaqarfiini nalinginnaasumik angajoqqaarsiat 71-iupput.

#### Inuussutissarsiutigalugu angajoqqaarsiat:

Massakkut ajoraluartumik taamaallaat inuussutissarsiutigalugu angajoqqaarsiat pingasuinnaapput, taakkunani marluk Nuummiipput pingajuallu Kulusummiilluni. Inuussutissarsiutigalugu angajoqqaarsianik amigaateqarneq nalinginnaasumik unammilligassaavoq.

#### Angajoqqaarsiat nammineq paarsisartut:

Angajoqqaarsiat nammineq paarsisartut tassaapput meeraq ilaqutariinni imaluunniit ilaqutariit attaveqaataanni inissinneqaraangat. Nuummi pigisaanilu 15-inik angajoqqaarsianik nammineq paarsisartoqarpoq, Tasiilami nunaqarfiinilu 22-nik angajoqqaarsianik nammineq paarsisartoqarluni.

#### Meeqqat angajoqqaarsianut inissinneqarsimasut amerlassusiat:

Piffissami matumani Kommuneqarfik Sermersuumi meeqqat inuusuttullu 172-it angajoqqaarsianut inissinneqarsimapput. Nuummi pigisaanilu meeqqat inuusuttullu 76-it angajoqqaarsianut, taakkunanga angajoqqaarsiat marlussuit inuussutissarsiutigalugu angajoqqaarsiaallutik. Taakku saniatigut Nuummi pigisaanilu meeqqat inuusuttullu qulit (10) nammineq aaqqissuussamik ilaqutariinni inissinneqarsimasuupput. Tasiilami nunaqarfiinilu meeqqat inuusuttullu 68-it angajoqqaarsianut inissinneqarsimapput, taakkunanga angajoqqaarsiat ataatsit inuussutissarsiutigalugu angajoqqaarsiaapput. Ilanngullugu Tasiilami pigisaanilu meeqqat inuusuttullu 18 nammineq aaqqissuussamik ilaqutariinni inissinneqarsimapput.



### Sulisussarsionermut killiffik:

Piffissami matumani qinnuteqartut amerlapput, qinnuteqaatillu amerlanersaat tassaapput angajoqqaarsiat nammineq paarsisartunngorniat. Nuummi pigisaanilu maannakkut angajoqqaarsiatut paarsisartunngorniat 23-upput taavalu Tasiilami nunaqarfiinilu angajoqqaarsiatut paarsisartussatut qinnuteqaatillit qulingiluaallutik.

### Utaqqisuniittut:

Meeqqat angajoqqaarsiaqalernissaminnut utaqqisut allattorsimaffianniittut amerlassusaat ingerlatsivimmi massakkut ajoraluartumik qasserpiaaneri kisitsisaatigineqanngillat, immikkoortillugit naatsorsortanngimmata. Peqatigitillugu meerarsiat arlaqalerput angajoqqaarsianut nutaanut inissinneqarnissaminnut innersuunneqartussat.

### Unammillernartut:

Suliassaqarfimmi itinerusumik ajornartorsiut tassaavoq, meeqqat inuusuttullu angerlarsimaffiup avataanut inissinneqartartut ataatsimik arlalinnilluunniit nappaatillit amerliartuinnarmata. Tamanna angajoqqaarsianut piumasaqaateqarnerulerpoq taamaalillunilu angajoqqaarsianik pisariaqartinneqartunik allannguilluni. Angajoqqaarsiassarsiortarneq ajornakusoortuuvoq meerarsianik nappaatilinnik tiguserusussinnaasunik. Pissutaasut ilagaat, ilaqutariit meeqqamik isumaginnissinnaanissaminnut pisariaqartunik sakkussaqaqngitsutut nalilertarmata. Meeqqanullu nappaatilinnut angajoqqaarsiat kisimik amigaatigineqanngillat. Ingerlatsivik aamma meeqqanut angajullernut (aqqaneq marlunnik ukiulinnit) angajoqqaarsiannik pissarsiniarnermini attarsiniarnerminilu unammilligassaqarpoq.

Tasiilami peqqinnissaqarfik annertuumik unammilligassaqarfiuvoq, tamatumunngalu pissutaavoq peqqinnissaqarfik angajoqqaarsiannngorniarlutik qinnuteqartunik pisarialimmik aanngajaarniutinut misilitsisisanngimmat.

Kiisalu akissarsisitsisarnermi unammilligassaqarpoq. Angajoqqaarsiat misigigajuttarpaat akissarsiaq tunniunneqartoq angajoqqaarsiat suliannut naleqqutinngitsaq.

2020-mili marloriarluni tunngaviusumik pikkorissartitsisoqarpoq. 2023-mi Isumaginninnermi Aqutsisoqarfik pingasunik piginnaanngorsarluni pikkorissarnermik ingerlatsivoq. Angajoqqaarsiat nalinginnaasumik inuiaqatigiit inerikkiartornerannut killilimmik ilisimasaqartarput taamaattumillu paasiuminaatsittarlugu ullumikkut inuiaqatigiinni qanoq meeraaneq inuusuttuunerlu innersoq. Taassuma saniatigut meeqqat inuusuttullu angajoqqaarsianut inissittartut amerliartuinnartut unammilligassaqartarput angajoqqaarsiat iliuuseqarfiginissaannut sakkussaqaqfiginngisaannik.

### **Ingerlatsivimmit aningaasatigut sulisoqarnikkullu naliliinerit**

Pisariaqanngilaq.

### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppernarsaatillit**

- Meeqqat tapersorsorneqarnissaannut Inatsisartut inatsisaat nr. 20, 26. juni 2017-imeersoq

### **Ilanngussat**

Soqanngilaq.

## **Punkt 2: Ataatsimiititap Tasiilamut angalanera, sapaatip akunnerani 37-mi**

### **Beslutning**

Inassuteqaat akuersissutigineqarpoq.

Ataatsimiititaliap nunaqarfiit Tiilerilaaq Isortorlu tikinnissai aaliangerpaat.

### **Bilag**

Ataatsimiititap angalanissaannut aaqqissuussaaneq (1. juuni 2021-mi aalajangiussaq)

Ataatsimiititap angalanissaannut pilersaarut

## **Ataatsimiititap Tasiilamut angalanera, sapaatip akunnerani 37-mi**

Meeqqanut Ilaqutariinnullu Ataatsimiititaq

Aalajangiiffigisassaq

SagsID.: EMN-2023-02504

Meeqqanut Ilaqutariinnullu Ingerlatsivik – pisortaagallartoq Severin Berg / SEBE

### **Inassuteqaat**

Suliffeqarfimmut Kiffartuussiviup Meeqqanut Ilaqutariinnullu Ataatsimiititap inassuteqaatigaa:

- ataatsimiititap Meeqqanut Atuarfeqarnermullu Ataatsimiititaq peqatigalugu Tasiilamut sapaatip akunnerani 37-mi angalanissaa akuersissutigineqassasoq
- nunaqarfiit sorliit tikissanerlugit aalajangiiffigineqassasoq

### **Suliassamik saqqummiussineq**

Kommuneqarfik Sermersuumi illoqarfiit nunaqarfiillu pillugit qinikkanit paasisasaqarfigineqarnerunissaat ilisimasaqarfigineqarnerunissaallu kiisalu kommunimi innuttaasunik oqaloqateqarnissaaq ataatsimiititap angalanissaanni siunertaavoq. Ataatsimiititap angalanerini aamma suliassamik tunngasunik aalajangersimasunik ataatsimiititap namminneq suliassaqarfinnut tunngasunik paasisaqarnerunissaat isumassarsiortarnissaallu periarfissaassaaq.

Kommunalbestyrelsip ileqquusumik siullermik ataatsimiinnerani 1. juuni 2021-mi piffissami qinigaaffiusumi 2021-miit 2025-mut ataatsimiititap angalanissaannut aqqissuussaaq akuersissutigineqarpoq (ilanngussaaq 1). Aqqissuussaaq taanna naapertorlugu Meeqqanut Ilaqutariinnullu Ataatsimiititaq 2023-mi Tasiilamukassaaq. Pisortaqatigiit Allatseqarfiannit innersuussutigineqarpoq, ataatsimiititaq Meeqqanut Atuarfeqarnermullu Ataatsimiititaq septembarimi sapaatip akunnerani 37-mi angalaqatigissagaa.

Ataatsimiititap angalanermi aallaavittut ikinnerpaamik nunaqarfik ataaseq ilanngullugu angalaffigisassavaat. Tasiilaliarnermut atatillugu Kulusuk, Tiilerilaaq, Isertoq, Kuummiit imaluunniit Sermiligaaq tikinnissaaq periarfissaavoq. Pisortaqatigiit Allatseqarfiannit innersuussutigineqarpoq, ataatsimiititaq Tiilerilaamut Isertumullu tikissasut.

### **Ingerlatsivimmit aningaasatigut sulisoqarnikkullu naliliinerit**

2023-mi ataatsimiititap angalanissaannut 125.000 koruunit immikkoortinneqarsimapput.

### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaaq allakkallu tunngaviusumik uppersaatiillit**

- o Ataatsimiititap angalanissaannut pilersaarut

### **Ilanngussat**

1. Ataatsimiititap angalanissaannut aqqissuussaaq (1. juuni 2021-mi aalajangiussaaq)
2. Ataatsimiititap angalanissaannut pilersaarut

## **Punkt 3: Ulloq unnuarlu paaqqinnittarfinnik Namminersorlutik Oqartussanit pigineqartunit Kommuniq tigusinissaa**

### **Beslutning**

Inassuteqaat akuersissutigineqarpoq.



## **Ulloq unnuarlu paaqqinnittarfinnik Namminersorlutik Oqartussanit pigineqartunit Kommuniq tigusinissaa**

Aalajangiiffigisassaq

SagsiD.: EMN-2023-02676

Meeqqanut Ilaqutariinnullu Ingerlatsivik – pisortaagallartoq Severin Berg / SEBE

### **Inassuteqaat**

Meeqqanut Ilaqutariinnullu Ingerlatsiviup Meeqqanut Ilaqutariinnullu Ataatsimiititamut

inassuteqaatigaa:

- ulloq unnuarlu paaqqinnittarfinnik Namminersorlutik Oqartussat pigisaannik tigusinissamik siunertaqarluni ingerlatsiviup Namminersorlutik Oqartussanut attaveqarnera akuerineqassasoq
- suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut akuerisassanngorlugu ingerlateqqinneqassasoq

### **Suliassamik saqqummiussineq**

Politikkikkut kissaatigineqarpoq, Namminersorlutik Oqartussat pisortatigoortumik attaveqarfigineqarnissaat ulloq unnuarlu paaqqinnittarfiit Namminersorlutik Oqartussat pigisaasa ilai kommunimit tiguneqarsinnaanissaat siunertaralugu, taamaalilluni taakkuninnga ingerlatsineq kommunimut nuussinnaalluni.

Ulloq unnuarlu paaqqinnittarfiit ataasiakkaat namminersorlutik oqartussanit pigineqartut Kommuneqarfik Sermersuumit pingaarnertut atorineqarput, kommunilu innuttaasunut qanimut attaveqarnini pissutigalugu periarfissaqarpoq ulloq unnuarlu paaqqinnittarfiit eqaannerusumik aqqissuussilluni ingerlanneqarsinnaallutik.

Ikaarsarneq pitsaasumik pilersaaruserluakkamik ingerlanneqassaaq, taamaalilluni kissaatigineqarpoq tiguisinnaanissap aallartinneqarnissaanut periarfissaq eqqartorneqassasoq kiisalu ulloq unnuarlu paaqqinnittarfiit sorliit tiguneqarsinnaassanersut. Kiisalu ersarissarneqassaaq qanoq iliornikkut ulloq unnuarlu paaqqinnittarfiit tiguneqarsinnaanersut.

### **Ingerlatsivimmit aningaasatigut sulisoqarnikkullu naliliinerit**

Pisariaqanngilaq.

### **Suliffeqarfirmut Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppernarsaatillit**

- o Meeqqat tapersorneqarnissaannut Inatsisartut inatsisaat nr. 20, 26. juuni 2017-imeersoq

### **Ilanngussat**

Soqanngilaq.

## **Punkt 4: Kommuneqarfik Sermersuup aamma Københavns Kommuniata akornanni illoqarfittut ikinngutigiiittut suleqatigiinneq pillugu isumaqatigiissuteqarneq**

### **Beslutning**

Inassuteqaat akuersissutigineqarpoq.

### **Bilag**

Kommuneqarfik Sermersuup aamma Københavns Kommuniata akornanni illoqarfittut ikinngutigiiittut suleqatigiinneq pillugu isumaqatigiissuteqarnissamut qaaqquisissut

Suleqatigiiffigineqarsinnaasut pillugit allattukkat sulianut ataatsimiititalianit akuerisat (Københavns Kommune)



# Kommuneqarfik Sermersuup aamma Københavns Kommuniata akornanni illoqarfittut ikinngutigiiittut suleqatigiinneq pillugu isumaqatigiissuteqarneq

Aalajangiiffigisassaq  
SagsID.: EMN-2023-02155  
Suliffeqarfimmut Kiffartuussivik - Ole Jakobsen / OJAK

## Inassuteqaat

Suliffeqarfimmut Kiffartuussiviup Meeqqanut Ilaqutariinnullu Ataatsimiititamut inassuteqaatigivaa:

- Kommuneqarfik Sermersuup aamma Københavns Kommuniata akornanni illoqarfittut ikinngutigiiittut suleqatigiinneq pillugu malittarisassaliorneq akuersissutigineqassasoq
- illoqarfiit pingaarnersaasa marluusut akornanni ataatsimut suliniutissatut siunnersuutit suliarineqassasut
- siunnersuutit Aningaasaqarnermut Inuusutissarsiornermullu Ataatsimiititamut kiisalu Kommunalbestyrelsimut akuerisassanngorlugit ingerlateqqinneqassasut

## Suliassamik saqqummiussineq

Aggustip ulluisa 25-anni 2022 Københavns Kommuniani borgerrepræsentationimi aalajangerneqarpoq, Københavni Rådhusalimi Naalagaaffeqatigiinni erfalasut pingasut atorneqartalissasut, erseqqissaatiginiarlugu Naalagaaffeqatigiinnermi nunat naligiissut pingasut imminnut ataqatigiinnerat. Tassunga atatillugu Københavns Kommunimit kissaatigineqarpoq Naalagaaffeqatigiinnermi illoqarfiit pingaarnert pingasut suleqatigiinnissaat annertusarneqassasoq illoqarfittut ikinngutigiiittut suleqatigiinnissamik inaarutaasumik isumaqatigiissuteqarnikkut, Københavns Kommuniata Overborgmesteriata Sophie Hæstorp Andersenip Borgmesterimut Avaraaq Olsenimut pisortatigoortumik qaaqquissutaa innersuussutigalugu (takuuk Ilangussaq 1).

Kissaatigineqarpoq, illoqarfiit pingaarnert pingasut suleqatigiinnerisa annertusarneqarneratigut illoqarfiit iluaquserneqassasut kulturikkut isumassarsioqatigiittarnikkut, pigiliutiinnakkanik annikillisaanikkut, ilisimasanik avitseqatigiinnikkut aammalu ataatsimoortumik piujuartitsinermik ineriartortitsinikkut. Tamanna pissaaq illoqarfiit pingaarnert akimorlugit suliniutinik eqqarsaqatigiinnikkut.

Københavns Kommuniani sulianut ingerlatsiviit suleqatigiinnissamut suliniutissat pillugit siunnersuusiorsimapput suliassaqarfiit arlallit akimorlugit, taakkulu politikikkut sulianut tunngasuni ataatsimiititaliani akuersissutigineqarsimapput (takuuk Ilangussaq 2). Taamatuttaaq Kommuneqarfik Sermersuumi politikikkut ataatsimiititat ataavartut suleqatigiinnermi suliniutissatut siunnersuutinik allanik, suliassaqarfimminnut tunngasunik, suliqaqquneqarput. Siunnersuutit taakku illoqarfiit pingaarnersaasa marluusut akornanni ilisimasanik piginnaasanillu avitseqatigiinnermit periarfissaasannaasunik atorluaanissamik tunngaveqarluni pisariaqartitsinermi kissaateqarnermilluunniit tunngaveqarsinnaapput.

## Ingerlatsivimmit aningaasatigut sulisoqarnikkullu naliliinerit

Pisariaqanngilaq.

## Suliffeqarfimmut Kiffartuussivimmit aningaasatigut naliliineq

Pisariaqanngilaq

## Inatsisitigut tunngavissaq allakkallu tunngaviusumik uppersaatillit



- Nuuk - Issittumi Illoqarfiit Pingaarnersaat Nuuk pillugu Illoqarfiit Pingaarnersaattut Periusissiaq

### **Siusinnerusukkut aalajangiinerit**

*Kommunalbestyrelsi, 23.05.23:*

Suliffeqarfimmut Kiffartuussiviup Kommunalbestyrelsimut inassuteqaatigaa:

- Kommuneqarfik Sermersuup aamma Københavns Kommuniata akornanni illoqarfittut ikinngutigiittut suleqatigiinneq pillugu malittarisassaliorneq akuersissutigineqassasoq

Inassuteqaat itigartitsissutigineqarpoq. Saaffiginnissut ataatsimiititani tamani suliarineqassasoq Kommunalbestyrelsimut aalajangiiffigineqarpoq, taamatuttaaq kingusinnerusukkut Illoqarfittut ikinngutigiittut suleqatigiinnerup imarisassaa suleqatigiinnerullu malittarisassiornissaa Kommunalbestyrelsip isummerfigiumaaraa aalajangiiffigineqarluni.

### **Ilanngussat**

1. Kommuneqarfik Sermersuup aamma Københavns Kommuniata akornanni illoqarfittut ikinngutigiittut suleqatigiinneq pillugu isumaqatigiissuteqarnissamut qaaqqusissut
2. Suleqatigiiffigineqarsinnaasut pillugit allattukkat sulianut ataatsimiititalianit akuerisat (Københavns Kommune)

**Punkt .: Taasariaqartut allat**

## **Punkt .: Imaqarniliap akuerineqarnera**

### **Beslutning**

Imaqarniliaq akuersissutigineq nal. 14:38